



08. august 2023

UKA 2023/131

Inatsisartut Suleriaasianni § 36 naapertorlugu apeqquaqqaat aallaavigalugu siunnersuut imaattoq matumuuna saqqummiuppara:

Inuussutissarsiutigalugu piniarnermut allagartaq maanna atuuttumut taarsiullugu inuussutissarsiutigalugu aalisarnermut allagartap, inuussutissarsiutigalugulu piniarnermut allagartap immikkoortilersinnersinnissai pillugu apeqquaqqaat aallaavigalugu oqallisissiasatut siunnersuut.

(Inatsisartuni ilaasortaq Aqqalu C. Jerimiassen, Atassut)

Aalisartuq aalisartuuvoq, soorlumi savaatilik savaatiliusoq, aalisartorlu aalisartuuvoq, soorlu nunaatilik nunaatiliusoq.

Aalisarluartorpassuarnik nunarput peqarpoq, aningaasarsiornitsigullu sukarsuit pingaarnerpaatut inissisimanera tassani ukiorpanni sulii piujuassasoq qularnanngilaq.

Assersuutigalugulu aalisartorpassuit maanna piniarneq aallutarinngikkaluarlugu aallaaniarnermut inatsimmi piusumi allangartalerneqartarput ”Inuussutissarsiutigalugu Piniartuq”, taannalu inatsit *Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersoq* §4-mi nassuiarneqarpoq.

Taassuma eqaqtugisinnaasaatut inissisimalersimasoq tassaammat, inuussutissarsiutigivillugu piniartuusut maanna piniakkat killilersukkat pineqalersillugit, isumalluuteqarnermikkut inuussutissarsiutigalugu aalisartut assigalugit pisassaqtitaasarmata.

Eqqarsaasersuutigineqarsinnaalinnginnerpalu maanna, allangartanik tunniussisarnermi imatut inissisimalersinnaaneri: ”Inuussutissarsiutigalugu aalisartuq”, ”Inuussutissarsiutigalugu piniartuq”.

Oqaluttuarisaanitsinni piniartuunerup oqaatsillu ”piniartuq” eriangisassatut annertuutut isiginissaa pingaartuusorinarmattaaq, tassami siuligut eqqarsaatigalugit piniartorsuit neqissaqarniarneq eqqarsaatigalugu inoqutigiinnut pingaaruteqartarsimaqimmata, ullumikkullu uagut maaniissinnaanitsinnut tunngaviliisuungaatsiarlutik.

Tuttunniarnerup qilaluarniarnerullu nalaani, inuussutissarsiutigivillugu piniartut ukiup sinneranut aningaasaqarnikkut isumalluuteqarfigisarpaat, uumasummi taaneqartut neriniartarfiit, unnuisarfiit pisiniarfiillu annertungaatsiartumik pisiariortortarmatikkit. Tassanilu pingaartuuvoq inangersimaarneqarneraarsaarnissaat allanik inuussutissarsiuteqareersuniit.

Pissanganarpoq inatsisartuqatit naalakkersuisullu tassunga isumaat sumiinnersoq tusassallugu.



Atassummiit tamassi oqalliseqatiseraassi, tigussaasumillu ujartuilluta tamatta angusaqarsinnaaniassagatta.